

პროგრამა: „შუახევის მუნიციპალიტეტის თანადაფინანსებით სოფლად
მცხოვრები ქალების სოციალურ-ეკონომიკური გაძლიერება“



პროგრამის მიზანი

- მუნიციპალიტეტში მცხოვრებ ქალთა ეკონომიკური გაძლიერება და სოციალური ინკლუზიის ხელშეწყობა;
- იმ ოჯახების სოციალურ ეკონომიკური გაძლიერება, რომელთა მიმდინარე/სამომავლო საქმიანობა მიმართულია ადგილობრივი წარმოების ზრდის, ტურისტული პოტენციალის განვითარების, საოჯახო მეურნეობის გაფართოებისა და პოპულარიზაციისკენ;
- ქალების მეტი ჩართულობისა და გააქტიურებისათვის ზრუნვა, ქალების, როგორც საზოგადოების სრულფასოვანი და თანაბარუფლებიანი წევრების განვითარების ხელშეწყობა.

პროგრამით მოსარგებლე პირები



-შუახვევის მუნიციპალიტეტის ტერიტორიაზე რეგისტრირებული, 18 წელს მიღწეული ფიზიკური პირი ქალი ან ქალთა საინიციატივო ჯგუფი, რომელსაც პროექტის გამარჯვების შემთხვევაში წარმოეშობა ინდივიდუალურ მეწარმედ ან იურდიულ პირად დარეგისტრირების ვალდებულება;



-ინდივიდუალური მეწარმე;



-მეწარმე იურდიული პირი.



ბიზნეს-გეგმა მხოლოდ განმცხადებელი პირის ნამუშევარს უნდა ასახავდეს. პლაგიატის შედეგად კონკურსიდან პროექტს დაუყოვნებლივ დისკვალიფიკაცია მოჰყვება.

კონკურსში მონაწილეობა ეზღუდებათ:



- ბენეფიციარს, საინიციატივო ჯგუფის წევრს, რომელიც არის აღნიშნული პროგრამის კონკურსის ფარგლებში დაფინანსებული გასულ წლებში;
- პირს, რომელიც რეგისტრირებულია მოვალეთა რეესტრში;
- საჯარო მოხელეს.

❑ დაინტერესებულ პირებს მხოლოდ ერთი პროექტის შემოტანის უფლება აქვს კონკურსის ფარგლებში.

❑ განაცხადების წარმოდგენა შესაძლებელია მხოლოდ ქართულ ენაზე.

❑ პროგრამის ფარგლებში არ დაფინანსდებიან: შუახევის მუნიციპალიტეტის საკრებულოს წევრები, მერიის თანამდებობის და ადმინისტრაციული ხელშეკრულებით დასაქმებული პირები და მათი ოჯახის წევრები, საკრებულოსა და მერიაში დასაქმებული საჯარო მოხელეები და მათი ოჯახის წევრები, აგრეთვე შუახევის მუნიციპალიტეტის მიერ დაფუძნებულ/დაქვემდებარებაში არსებული იურიდიული პირების ხელმძღვანელი პირები და მათი ოჯახის წევრები.

პროგრამით გათვალისწინებული დახმარება



პროექტი გულისხმობს მცირე, დამწყები და საშუალო ბიზნესის განვითარების ხელშეწყობას, რომელიც მუნიციპალიტეტის მერიის მხრიდან ერთი პროექტი არა უმეტეს 10 000 (ათი ათასი) ლარით იქნება დაფინანსებული.



➤ პროექტის მინიმალური ბიუჯეტი 1000 (ერთი ათასი) ლარი.

➤ პროექტის მაქსიმალური ბიუჯეტი 10 000 (ათი ათასი) ლარი.



- პროგრამა დაფინანსდება, გამარჯვებული პირის/ჯგუფის თანამონაწილეობით.
- ფინანსური თანამონაწილეობა უნდა შეადგენდეს განმცხადებელის მოთხოვნილი თანხის 20 %-ს, აღნიშნული პროგრამის ფარგლებში პრიორიტეტული კონკურსანტისთვის კი 10%-ს.



❖ თანამონაწილეობად ჩაითვლება მხოლოდ ფინანსური მონაწილეობა.

უპირატესობა ენიჭებათ:

- მარტოხელა სტატუსის მქონე მშობლის (დედის) მიერ ბიზნესის დაწყება/გაფართოებას;
- მრავალშვილიანი სტატუსის მქონე მშობლის (დედის, რომელსაც ოთხი ან მეტი 18 წლამდე შვილი ჰყავს) მიერ ბიზნესის დაწყება/გაფართოებას;
- შეზღუდული შესაძლებლობის მქონე პირის ქალის (შემდგომში შშმ პირი) მიერ ბიზნესის დაწყება/გაფართოებას;
- ძალადობის მსხვერპლი ქალის მიერ ბიზნესის დაწყება/გაფართოებას;
- საარსებო შემწეობის მიმღები ოჯახის წევრის ქალის, რომელთა სარეიტინგო ქულა არ აღემატება 120 000-ს, ბიზნესის დაწყება/გაფართოებას;
- 29 წლის ასაკის ჩათვლით სუბიექტის (ქალის) მიერ ბიზნესის დაწყება/გაფართოებას;
- მეორე მსოფლიო ომის ვეტერანის, საქართველოს ტერიტორიული მთლიანობის, თავისუფლებისა და დამოუკიდებლობისათვის საბრძოლო მოქმედების ვეტერანის და სხვა სახელმწიფოთა ტერიტორიაზე საბრძოლო მოქმედების ვეტერანის ან/და ამ პუნქტით გათვალისწინებული პირების ოჯახის წევრების (მეუღლე, შვილი, დეადა) ბიზნესის დაწყება/გაფართოებას.

აღნიშნული კატეგორიის პირი სარგებლობს 10 %-იანი თანამონაწილეობით, რომელმაც უნდა წარმოადგინოს შესაბამისი გარემოების დამადასტურებელი დოკუმენტი, დანართის სახით .

პროგრამის განხორციელების ეტაპები

პირველი ეტაპი- ბიზნეს გეგმის
განაცხადის წარდგენა/შეფასება.



მეორე ეტაპი -ადგილზე ვიზიტი.

მესამე ეტაპი- გასაუბრება.

გამარჯვებული ბენეფიციარების
გამოვლენა და ხელშეკრულების
გაფორმება.



გამარჯვებულის გამოვლენა
მოხდება, კონკურსის
შერჩევა/შეფასების წესით,
ადგილზე ვიზიტითა და
გასაუბრებაზე მიღებული ქულათა
ჯამით.

მერია უფლებამოსილია
განახორციელოს გამარჯვებული
პროექტის მიმდინარეობის
მონიტორინგი.

პროექტების წარმოდგენა შესაძლებელია



ტურიზმი. (ტურიზმთან დაკავშირებული ინოვაციური იდეები)



სოციალური/საგანმანათლებლო საკითხები.



სოფლის მეურნეობის მეორადი პროდუქციის წარმოება.

პროგრამის თანხით არ დაფინანსდება



1. სატრანსპორტო საშუალებების შეძენა.



2. ბიოლოგიური აქტივის შეძენა (მაგ: მსხვილფეხა და წვრილფეხა პირუტყვი, ფრინველები, ფუტკრები და ა.შ.).



3. უძრავი ქონების შეძენა.



4. ალკოჰოლური სასმელების წარმოება ან/და ვაჭრობა.



5. თამბაქოს წარმოება ან/და ვაჭრობა.



6. პროექტის განხორციელების ეტაპზე რაიმე სახის ანაზღაურების მიღება.



7. რელიგიური ღონისძიებები.



8. კვლევები.



9. სასწავლო/სამეცნიერო გრანტები.



10. სემინარებში, სამუშაო შეხვედრებში და კონფერენციებში ინდივიდუალური მონაწილეობა.



11. ჰუმანიტარული აქციები და საქმიანობა.



12. გადასახდელი პროცენტები, საურავები, ჯარიმები.



13. ხელფასები და მიმდინარე ხარჯები.



14. მეორეული ნივთების შეძენა.



15. სწრაფი კვების ობიექტები.



16. ნახევარფაბრიკატები.



17. საკონდიტროები.



18. საქართველოს მოქმედი კანონმდებლობით აკრძალული საქმიანობები.

შეფასების კრიტერიუმები

✓  საკონკურსო განაცხადების შესაფასებლად, კომისია შემდეგი კრიტერიუმებით იხელმძღვანელებს:

1. კონკურსის მიზნებთან, ამოცანებთან და პირობებთან შესაბამისობა.
2. პროექტის დამაჯერებელი და ფაქტებით გამყარებული დასაბუთება.
3. პროექტის შედეგზე ორიენტირებული.
4. მოსალოდნელი შედეგების მასშტაბი.
5. ფინანსური დაგეგმარება, ბიუჯეტის ხარჯთეფექტურობა.
6. პროექტის შედეგების მდგრადობა.
7. საშემოსავლო საქმიანობის ბიზნეს-გეგმის რეალისტურობა.
8. საშემოსავლო საქმიანობის განხორციელების პოტენციური ადგილი და გაყიდვების გეოგრაფია.
9. მართვის პოტენციალი.
10. პროექტის განხორციელების პერსპექტიულობა.
11. განმცხადებლის კომპეტენცია, გამოცდილება და მოტივაცია.

ბიზნეს გეგმის განაცხადის დანართები

ბიზნეს გეგმის განაცხადი წარმოდგენის დროს/კონკურსის პირველ ეტაპზე, კონკურსანტმა დანართის სახით უნდა წარმოადგინოს:

1. განმცხადებლის, პროექტის მონაწილეების (ასეთის არსებობის შემთხვევაში) საქართველოს მოქალაქის პირადობის დამადასტურებელი დოკუმენტი.
2. ცნობა მოვალეთა რეესტრიდან, ცნობის წარმოდგენლობის და პირის მოვალეთა რეესტრში რეგისტრაციის შემთხვევაში განაცხადი არ განიხილება.
3. შესაძენი ნივთების ინვოისები (უფლებამოსილი პირის მიერ გაცემული შესასყიდი საქონლის (კანონის მიერ განსაზღვრულ შემთხვევებში) საბაზრო ფასებთან შესაბამისობის/ადეკვატურობის დადებითი დასკვნა) რომლის, წარმოდგენლობის შემთხვევაში განაცხადი არ განიხილება.
4. ბიზნესის განხორციელების ადგილის საკუთრების, კანონიერი ფლობის ან/და სარგებლობის დამადასტურებელი დოკუმენტი. დროებითი სარგებლობის დამადასტურებელი დოკუმენტის მოქმედების ვადა უნდა გრძელდებოდეს პროგრამით გათვალისწინებული თანხის მიღებიდან 1 წელი მაინც. იჯარის შემთხვევაში საჯარო რეესტრის ეროვნული სააგენტოდან ამოხაწერთან ერთად წარმოდგენილი უნდა იყოს სათანადო წესით დამოწმებული იჯარის ხელშეკრულებაც.
5. თანასაკუთრების შემთხვევაში, სხვა თანამესაკუთრების ნოტარიულად დამოწმებული მინდობილობა ან ან/და თანხმობა ან/და ყველა თანამესაკუთრის მიერ ხელმოწერილი დოკუმენტი, რომლის შინაარსისა და ხელმოწერის ნამდვილობაზე პასუხისმგებელი იქნება დოკუმენტის წარმომდგენი.
6. პრიორიტეტულმა კონკურსანტმა (10% თანამონაწილეობის შემთხვევაში) შესაბამისი გარემოების დამადასტურებელი დოკუმენტი.
7. ქალთა ჯგუფის მონაწილეობის შემთხვევაში – ჯგუფის წევრთა თანხმობები.

ბიზნეს-გეგმის განაცხადის განხილვის პროცესში, შესაძლოა შესაბამისმა კომისიამ განმცხადებელს მოთხოვოს დამატებითი ინფორმაციის წარდგენა, სამი ან მეტი სამუშაო დღის ვადაში.

გამარჯვებული ბენეფიციარის მიერ წარმოსადგენი დოკუმენტაცია ხელშეკრულების გაფორმებამდე

- ბიზნეს გეგმის განაცხადის პროექტი;
- გადასახადის გადამხდელ ფიზიკურ პირად/ინდივიდუალურ მეწარმედ ან მეწარმე იურდიულ პირად რეგისტრაციის დამადასტურებელი დოკუმენტი;
- მეწარმის საბანკო ანგარიშის რეკვიზიტები;
- ცნობა, რომ მეწარმე სუბიექტს არ გააჩნია ვადაგადაცდილებული დავალიანება და ანგარიშზე ყადაღა კომერციულ ბანკში, რომლიდანაც წარმოადგენს ანგარიშის რეკვიზიტებს;
- იმ შემთხვევაში თუ საქმიანობა საჭიროებს, ადმინისტრაციული ორგანოს თანხმობას/ნებართვას თანხმობის დოკუმენტი.
- სხვა დამატებითი დოკუმენტაცია, რომელთა წარმოდგენის საჭიროებასაც განსაზღვრავს დამატებით კომისია.

 ადნიშნული დოკუმენტაციის წარმოდგენლობის შემთხვევაში, პროექტი არ დაფინანსდება.

ხელშეკრულების გაფორმების, პროგრამის თანხის ჩარიცხვის შემდეგ ბენეფიციარმა უნდა წარმოადგინოს



- თანამონაწილეობის და პროგრამის თანხის გახარჯვის დამადასტურებელი დოკუმენტაცია.
- ა) პროდუქციის/მომსახურების მიწოდების დამადასტურებელი დოკუმენტებია:
 - სასაქონლო ზედნადები (RS.GE) ან/და
 - საგადასახადო დოკუმენტი(RS.GE);
- ბ) თანხის გადახდის და ზემოაღნიშნული დოკუმენტებით გაწეული ხარჯის ანაზღაურების დამადასტურებელი დოკუმენტებია:
 - სალაროს ქვითარი (იმავე ოდენობაზე);
 - ბანკის გადარიცხვის ქვითარი (იმავე ოდენობაზე);
 - კომერციული ბანკის სალარო (POS) ტერმინალის ქვითარი.
 - ჩგდ - ჩეკთან გათანაბრებული დოკუმენტი (იმავე ოდენობაზე);
 - სალაროს შემოსავლის ორდერი (მხოლოდ ანგარიშ-ფაქტურის გამოწერის შემთხვევაში)(1)
- (1) პროდუქციის/მომსახურების მიმწოდებელი რეგისტრირებული უნდა იყოს გადასახადის გადამხდელად, რომელიც უზრუნველყოფს „ა“ და „ბ“ პუნქტებში ჩამოთვლილი დოკუმენტაციის გაცემას, გარდა იმ შემთხვევისა როდესაც ფიზიკური პირთან ფორმდება შრომითი ხელშეკრულება მომსახურებაზე, რაზედაც წარმოსადგენი იქნება კონკრეტულ პირთან დაკავშირებული საშემოსავლო გადასახადის დეკლარაცია, სადაც წარმოდგენილი იქნება ინფორმაცია აღნიშნული პირის საშემოსავლო გადასახადით დაბეგვრის შესახებ.



✓ გამარჯვების/დაფინანსების შემთხვევაში ბენეფიციარი პირველ ეტაპზე ახორციელებს თანამონაწილეობის თანხის გახარჯვას, რის შემდეგაც წარმოადგენს დამადასტურებელ დოკუმენტებს: ზედნადებებს, ქვითრებს, შემდეგ კი ერიცხება პროგრამით გათვალისწინებული თანხა.

✓ პროექტი უნდა განხორციელდეს შუახევის მუნიციპალიტეტის ადმინისტრაციულ საზღვრებში არსებულ ტერიტორიაზე.

✓ მერია უფლებას იტოვებს, არ შეარჩიოს არც ერთი განაცხადი, იმ შემთხვევაში, თუ სათანადოდ არ დააკმაყოფილებს შერჩევის პროცესებს და კრიტერიუმებს.

ბიზნეს გეგმის განაცხადების მიღება

ბიზნესი გეგმის განაცხადების მიღების ბოლო ვადა მიმდინარე წლის 6 ივნისი, 15:00 სთ.

ბიზნესი გეგმის შემოტანის წესი:

განაცხადის წარდგენა შესაძლებელი იქნება მატერიალური ფორმით, შუახევის მუნიციპალიტეტის მერიის ადმინისტრაციული სამსახურის საქმისწარმოების განყოფილებაში, შემდეგ მისამართზე: შუახევის მუნიციპალიტეტი, თამარ მეფის ქუჩა №22, შუახევის მუნიციპალიტეტის ადმინისტრაციული შენობის პირველ სართული.



მუნიციპალიტეტის თანადაფინანსებითი სოფლად
მცხოვრები ქალების სოციალურ-ეკონომიკური
გაძლიერება



591 98 20 19



[www. shuakhevi.gov.ge](http://www.shuakhevi.gov.ge)
